



Vuk'uzenzele



NgezokuThintana nokunikela ngeLwazi KukaRhulumente (GCIS) isiNdebele/English

UMrhayili 2015



Ezivela e-Union
Buildings

Ikhasi 3



URhulumende
uLwa nobuLwele
besiFuba (i-TB)

Ikhasi 5



IHlelo Lokwakha
Elitjha Livula
Imisebenzi

Ikhasi 8

URhulumende weeNdawo zemaKhaya Wenziwa Ngcono

Ongezwa Manyathi

Ngemva kweminyaka eli-15 aborhulumende beendawo zemakhaya solo baba khona, imiphakathi yeSewula Afrika seyithola izenzelwa ezingcono ezinjengamanzi, ukukhanjisa kwesila kunye negezi.

zemakhaya, nokuthola iindlala zokuqinisa aborhulumende beendawo zemakhakunye nokwenza ngcono izenzelwa zezakhamu.

Ummongondaba wekhoneferensi yanonyaka bewuthi "Sithokozela imiNyaka eli-15 yaboRhu-lumende beeNdawo zemaKhaya beNtando yeNengi. Sibuyela Emirajini Ukunziniza Nokunabisa iNtando yeNengi eThuthukisako neQalela abaNtu."

UMengameli uthi imiphakathi eminengi seiyayibona indima yetuthuko ngezenzelwa eyenzelwa zona.

"Ukumenyezelwa komphumela wokuBalwa KwabaNtu kwaka-2011 kufakazele indima ekulu esele yensiwe ngokwenzelwa kwabantu izenzelwa ekuphilwa ngazo. Lendima etjengisa ituthuko ifakazelwa ibe iqiniswe mbiko wokugcina wabomasipaladi wokubalwa kwabantu ongasiweemali omenyezelwe mhlana ama-2 kuKhukhulamungu wee-2014," kutjho uMengameli.

Umbiko lo uthi izenzelwa abomasipaladi abazenzela abantu ziliphungulile izinga lobuchaka. Umbiko lo utjengisa ukuthi amakhaya aziingidi ezi-5,3 athola izenzelwa zasimahla ekuphilwa ngazo, utjengise nokuthi amakhaya aziingidi ezili-11,8 athola umthamo wamanzi ekuphilwa ngawo, aziingidi ezi-2,5 walo athola isizo lokulekelela abadingileko. Amakhaya adingileko makhaya alungele ukuphekiswa namkha uku-phugulelwia iindleko zezenzelwa.

Zilitjhumi leengidi iindawo ezihlezi abantu ezinehlelo lokukhambisa isila yeendlwana zokuphumela ngamanzi nehlelo lokuhlwengisa kibomasipaladi beSewula Afrika, kanti-ke kileziindawo, ezima-31,1% zizenzelwa simahla izenzelwa ezisisekelo zehlelo lokukhanjisela isila yeendlwana zokuphumela, ngokunjalo zenzelwe simahla nezenzelwa zokuhlwengisa ezisisekelo.

"Nanyana babalwa ngeengidigidi nje abantu ipilwabo esele yensiwe ngcono khulu, kodwana

ngahlanye basese banengi abasalindileko, ipilwabo ekusafuze itjhugulukele ebuhleni.

Bafuna amanzi, igezi, izindlu zokuhlala, iindlala kunye neenkolo ezazisako eduze nalapha bahlala khona," kugandelela uMengameli uZuma.

INDABA EMNANDI NGESEWULA AFRIKA


UMengameli utjele abebasemhlanganweni ukuthi kunengi khulu okuhle okwenezeke eSewula Afrika ema-20 we-miNyaka yeKululeko edlulileko le, ngalokho-ke iSewula Afrika nangambala inendaba emnandi engacocelwa abantu.

"Le yindaba karhulumende otjhejako, ophumelelako osebenze ngokuhlakanipha, ngokukhuthala nangokuyeleta ukutjhugulila ipilo yabantu ngendlela ehle nangendima ebonakalako, ukube kanti yena ngokwakhe utlhayelelwia mithombi yamandla ukwenza lomsebenzi.

"Le yindaba yomsebenzi omuhle namaziko wobuhle okungalinganisekiko avele mibundu yoke yelizwe lekhethu, eemfundeni zoke kunye neendaweni ngeendawo."

UMengameli ukhuthaza aborhulumende beendawo zemakhaya ukuthi basebenzisane, babelane nangeemfundo abazifundako nabakhamba kileyondlela.

"Laba bomasipaladi abasebenza kuhle, ngamahlelo wepolitiki newokuphatha aphumelelako, ngeenjamiso zangekhaya ezinamandla



UMengameli u-Jacob Zuma uthi kusese kunengi ekusafuze kwensiwe ukwenza ipilo yamaSewula Afrika ibe ngcono.

zokuhlolwa kweencwadi kunye nezokulawula iimali," kutjho uMengameli uZuma. Uthi abomasipaladaba babe nerekodi elihle lokusebenza, la iinsebenzi zabo ziwubeke phambili umsebenzi wokuvimbela ubukirikitjani bomgunyathi nebokuvimbela obunye ubumbi obungehlela imisebenzi eyenziwako.

UMengameli Zuma, uthi abomasipaladi laba abafuni nokubona namunye umuntu abhalelwaa kukwenza umsebenzakhe kuhle, begodu banande bahlola ukuthi umsebenzi usenziwa ngezinga lokusebenza elifaneleko na, bese bathatha

Iyaraga ekhasini lesi-2

Ukwakhelwa kwabantu izindlu kwenze imiphakathi eendaweni ngeendawo ibe majadu, ibe neendawo ezfana neenkuila, imitholapilo kunye neenkolo. Emyakeni emihlanu edlulileko urhulumende wakha nezindlu ezingcono ezelungele ukuhlala abantu eendaweni zemithathlana ezilinganiselwa ema-500, la afakele khona abantu izenzelwa ekuphilwa ngazo.

"Solo sathoma ukuphila ngaphasi kwentando yenengi, sesene indima ebonakalako yokuhphendula umlayo womTlolo wesiVumelwana neLungelo leKululeko othi kufuze kuge nezindlu, ukuphepha nokuvikeleka nokuledilha," kutjho uMengameli u-Jacob Zuma.

UMengameli bekakhuluma emHlanganweni wamaLunga (i-NMA) weHlangano yaboRhu-lumende beeNdawo zemaKhaya (i-Salg) obe-wubanjelwe e-Midrand mhaphanje.

I-NMA mhlango wabarholi baborhulumende beendawo zemakhaya wokuveza nokukhanyisa indima esele yensiwe kiborhulumende beendawo

Allison Cooper

UmNyango wezeFundo eSisekelo usebenza ngamandla uncamele ukukhuphula izinga lefundu elizweni lokeli, khulu khulu eemfundweni zeMethemethiksi, iSayensi kunye neThekhnoloji.

EMhlanganweni wesiThathu wokuBonisana ngeMethemethiksi, iSayensi neThekhnoloji (i-MST)- mhaphanje, uNgqongqotjhe wezeFundo eSisekelo u-Angie Motshekga uthe nanyana kusese kunengi nje ekusafuze kwensiwe ukukhuthaza

IVuk'uzenzele

NGEYASIMAHLA

... kodwana idlulisele komunye nasele uyifundile

lesikhathi eside lokukhuphula ummomo we-iwazi ngaleziimfundo.

"ILabhorathri ye-MST izakwakha iindlala zokukhuthaza ukwanda kwabafundi abafunda leziimfundo, kanti izakuqedelela umtlamo ofunekako wokwenza ukuthi abafundi ba-phumelele kileziimfundo," kutjho uNgqongqotjhe u-Motshekga.

UKULAWULWA KWEMIRARO

UNgqongqotjhe baneSekela likaNgqongqotjhe u-Enver Surty baveze imiraro embalwana emalungana ne-MST mhaphanje nabebasekundleni yokucocisana i-The New Age Business Briefing. Hlangana nemiraro abayiphakamise lapho, kubalwa nokutholakala kwemithombo yamandla neensemfenziswa, nekghono labotitjhore, nehlelo lokubeka ilihlo kunye nelokusekela.

imiraro le iveswe siQhema saboNgqongqotjhe esiqalisisa i-MST.

Isiqhemesi sibuye sathola nokuthi iimfunda ngeefunda azinamahlelo aneleko wesekele langaphandle namkha abasebenzansi nekor



UNgqongqotjhe wezeFundo eSisekelo u-Angie Motshekga.

Iyaraga ekhasini lesi-4

OKUMUMETHWEKO

Ongezwa Manyathi

U N g q o n g q o t j h e

wezoku Busa ngoku Bambisana neze Ndabuko u-Pravin Gordhan ukhwezelele i mphathimandla ezimalunga we-NMA emhlanganweni we-Salga ukuthi zizifundise ukwanda ipumelelo yomsebenzi omnengi ngemithombo nangeensetjenziswa ezincani.

Ekumenakhe ku-NMA ebeyibanejwe e-Midrand mhlaphanje, uNgqongqotjhe uthe:

"Sithayelewa yimali eSewula Afrika. Umbuso-ke kukuthi uyandisa njani ipumelelo yomsebenzi omnengi ngemithombo nangeensetjenziswa ezincani, njengoba eminyakaneni embadlwana ezako le sizabe solo sizwa loyo mlayeo otjho njalo nje."

ISeewula Afrika, njengalo loke iphasi, iqale nobudisi bezomnotho. Lokhu-ke kutjho ukuthi urhulumende ngokuphelela kwakhe kuye norhulumende weendawo khulu khulu, kuzakufuneka ukuthi bavele neensombululo ezita zokuphumelela izenzelwa zomphakthi.

Emzameni wokukhuthaza abomasipaladi ukuthi bacabange ngeendlela ezitja, abajameli babomasipaladi abambadlwana babelane ngeensombululo zabo ezita nabalingani babo Salga NMA.

"Imiqondo emitjha iqakathike khulu ekulingeni ukurarulula imiraro yaborhulumende

beendawo. Sililizwe elinothileko ngemiqondo nangemibono emitjha, kanti eminye yemiqondo emitjha ivela eendaweni ezisese bukhaya ekhethwapha," kutjho isiKhulu esiphethe iZiko lemiQondo emiTjha eKorweni yemBuswemi (i-CPSI) eSewula Afrika, uThuli Radebe.

Uthe umnyaka nomnyaka ilizwe lekhethu libona lelizinga lemiqondo emitjha ngaboNongorwana be-CPSI, la ubunengi babathumbi babo bavela khona kiborhulumende beendawo.

IMIQONDO EMITJHA ISONDEZA IZENZELWA EBANTWINI

Banengi abomasipaladi kilo loke ilizweli abasebeniza imiqondo emitjha ukuphakela imiphakathi izenzelwa. Omunye umasipaladi onjalo nguMasipaladi weThekwini, ngePhiko laka laManzi nokuHlwengisa (i-EWS).

IPhiko le-EWS lilawula zamanzu nezokuHlwengisa kuMasipaladi weThekwini, kanti-ke hlangana nabanye, lisebenze ne-Bill and Melinda Gates Foundation, neBhangya yePhasi.

Ngomnyaka wee-2014 iphikweli lathumba uNongorwana wezaManzi i-2014 Stockholm Industry Water Award ngokuba "liphiko elaphuma phambili ngemiqondo emitjha nethuthukisako ekusebenzeni ngeendaba zamanzu e-Afrika." Umjameli we-EWS u-Dave Wilson wahathulu ukusetjenziswa kwamakhontheyina we-mikhumbi atjhuguluelwe ukusetjenziswa njengeendawo zokuhlwengisa emphakathini, kobanyana kuzokurarululeka umraro wokuhlwengisa eendaweni zemithatlhana.

Leziindawo zokuhlwengisela ezenziwe ngalendlela zilekelele iindawo zemithatlhana ezilinganiselwa ema-600. "Leziindawo zemithatlhana sezibekiselwe ukuthi ngomuso umasipaladi ayokwakha kizo izindlu ezhilekileko," kutjho u-Wilson.

Bekube kunamhlanje, ziyi-1 100 iindawo zokuhlwengisa eseze zifakelwe eentandini eziema-600 kiyo yoke indawo yeThekwini, kanti-ke indawo yokuhlwengisa ngayinye isebezelia imithatlhana elinganiselwa ema-50 engaphakathi kwesiyangi esima-200 wamamitha ukusuka endaweni yokuhlwengisa le.

"UMasipaladi ubeka ababekihlo neemphathi-

mandla zokuthintana emphakathini ukuthi kuge ngibo abalonda iindawo zokuhlwengisezi, kanti amathoyilethipheyipha nesiba kuphakiswa ngilo iphikweli," kutjho u-Wilson.

Ngaphandle kokuvula imisebenzi nokukhuthaza ukuhluma kwamabhizinisi amancani, iprojekthi le ibuye ivikele ipilohle yabantu bendawo.

UmKhandludorobha we-Tshwane ngomnyaye umasipaladi osebenzia imiqondo emitjha ukwenza ipilo yabantu ibe ngcono ngehlelo lakhe lethekhnoloji elibizwa ngokuthi yi-Project Isizwe.

I-Project Isizwe bekube nje seyivule amasa-yithi we-Wi-Fi alinganiselwa ema-600, afika ebantwini abangaphezulu kweengidi ezimbili. UMasipaladi we-Tshwane uthi kuzakuthi kuphela umnyaka wee-2015 lo, babe sebalanganiselwa eengidini ezintathu abantu abazabe sebathola i-Wi-Fi yasimahla.

"Ithungelelwano le-inthanethi kufuze bona lithathwe njengesenzelwa esisisekelo. Abantu baba batjha ngokukhamba kweminyaka, okutjho ukuthi urhulumende naye kufuze bona akhambisane neenkhathi, khulu khulu malungana nabantu abatjha," kutjho uSodorobha oPhethoko we-Tshwane u-Kgosientso Ramokgopa.

NgoSinyikhaba nyakenye umKhandludorobha we-Tshwane uvule ne-Wi-Fi TV, egcine inababukeli abasigidi ngenyanga kaMhlonjanonyaka.

I-Tshwane Wi-Fi TV irhatjha umvumo, iindaba ranje eziyindabamlyoni, zamabhizinisi, zekolo, zemisebenzi kunye nezemidlalo.

"Abeni bamafilim be-Wi-Fi ekubona beenzela i-Tshwane Wi-Fi TV ekurhatjha, phambilini bebangasebenzi, abanye bangasebenzi ngokupheleko," kutjho u-Ramokgopa.

Enye ikundla yemiqondo emitjha evulwe mKhandludorobha we-Tshwane yi-DigiMbizo, la iimbizo zikarhulumende akhamba azibamba ilizwe lokeli zivezwa khona ngesidijithali; kileziimbizo umbuso unqophe ukukhuluminisana ubuso nobuso nemiphakathi yoke elizweneli.

"I-DigiMbizo inikela abantu be-Tshwane ithu-



Iphiko lezaManzi nezokuHlwengisa leThekwini lisebenzia amakhontheyina atjhugululiweko ukulwa nomraro wokuhlwengisa eendaweni zemithatlhana esifundeni saKwaZulu-Natala.

ba lokubamba imbizo noSodorobha ukube bona bazihlale emakhaya," kutjho u-Ramokgopa.

Amalunga womphakathi ayakwazi ukusebenzia i-Twitter ukuthumela imibuzwayo namkha iinlilo zayo kuSodorobha ngokusebenzia i-hashtag#DigiMbizo namkha i-#AskRamokgopa, abe athole iimpendulo khonokho.

Nge-DigiMbizo, uMasipaladi uyakwazi ukufika eenqhemeri zomphakathi ezingakavami ukukhambela iinkundla zokuhlanganelo ezi-jayekileko, kuhlathulula u-Ramokgopa.

"Kusisiza nangokubeka indlebe sizwe imizwa yomphakathi, ngaleyindlela-ke sikhazi nokuphakamisa ukuyirarulula msinyana imiraro engaba khona."

karhulumende.
"Kufuze sihlale sikhumbula ukuthi ukusebenza kuhle nangepumelelo embusweni akusilungelo langeqadi emphakathini obuswa yintando yenengi. Kodwana kulisungelo elisisekelo."

UMengameli ukhulumene wagandelela ukuthi womathathu amazinga karhulumende kufuze bona asebenzele ukugcwala iimfiso zalokho okulindelwe mphakathi ngezenzelwa zavo, ngesikhathi esifaneleko, eduze nala uhlala khona.

"Izenzelwa lezo kufuze bona zenziwe kuhle, ziphumelele, zibe zisensiwa ziinsebenzi zembusweni eziwufundisiweko loyo msebenzi ozabe wenza lapho."

Iraka isuka ekhasini loku-1

amagadango wokulungisa la kufuneka khona. "Lokhu-ke yinto ekufuze yentiwe ngibo boke abomasipaladi, ngombana aborhulumende beendawo benzelle ukusiza nokusebenza abantu. Naso indaba lapho isuka nalapha inzinze khona."

Uthokozise bewabuka boke abomasipaladi abenze umehluko ekujhuguleleni ipilo yabantu.

"Umsebenzenu uyajabulisa, uyathokozisa," kutjho uMengameli.

UMengameli ubawe abebasemhlanganweni ukuthi basebenze ngcono nangokukhuthala ukwenza iSewula Afrika ibe yindawo engcono kibo boke abantu.

"Kufuze senze ngcono ekuzenzeni zibe ngcono izenzelwa ezinjengomthangalasisekelo wamanzi, ukubuthwa kweenzibi namkha ukuphakelwa kwegezi. Lezi zizenzelwa eziilula ekufuze ukuthi nakube zenziva kuhle abantu bazithokozole, ngaleyindlela bamthokozole norhulumende wendawo yangekhabo."

URHULUMENDE WEENDAWO ZEMAKHAYA WENZIWA ISIJAMISO SOMSEBENZI OFUNDELWEKO

URhulumente weendawo zemakhaya nakazaku-phumelela ukurarulula eminye yemiraro aqalene nayo, kufuze bona aphathwe babantu abawufundeleko umsebenzi, abaneencwadi zomsebenzi loyo abawenzako.

UMengameli Zuma uthi urhulumente uphendule ifuneko yokuphakamisa izinga lokwenza umsebenzi ngendlela ekufundiswe ngayo, ngokwenza amatjhuguluko emthethwene olawula zaborhulumende beendawo, njengomThetho wezaboMasipaladi oTjhugululiweko.

"Akukafaneli bona kugedliswe isandla nakuqinisekwa ukuthi iimphathimandla zinobuncani bamaghonofundwa afuneka emsebenzini ekufuze ziwenze," kutjho uMengameli.

UMengameli uthi iimphathimandla zeenkundlal eziphamkemko keziphethi iindaba zeemali, abosonjiniyera nabanye abosochwephetjhe ku-

fuze babe nawo amakghonofundwa womsebenzi wabo, begodu kufuze bona babe zizazi emsebenzini wabo.

I-Salga yenze imizamo yokwenza izinga loburholi libe ngcono, neyokuqinisekisa ukuthi kunamakghonofundwa afaneleko kiborhulumende beendawo zemakhaya; lokhu-ke i-Salga ikwenze ngokuvula amahlelo akhethekileko, enzelwe omunye nomunye umsebenzi, wokujayeza iinsebenzi umsebenzi; amahlelo la-ke enzelwe ukufundisa amakhansela akwazi ukwazisisa umsebenzawo ngcono.

USihlalo we-Salga uThabo Manyoni uthi i-Salga ililingelele ngepumelelo iHlelo lokuThuthukisa uBurholi beenKhulu eziPhethoko.

SIBUYELA EMIRAJINI

EmButhanweni kaMengameli neenKhulu zaboRhulumente beeNdawo zemaKhaya -nawo ebewubanjelwe e-Midrand ngoKhukhulamungu wee-2014, iimphathimandla zaborhulumende beendawo zavumelana ndawonye ukubuyela emirajini kobanyana ziyokwenzela umphakathi izenzelwa zekhwalthi ehle.

Ihlelo lokuBuyela emiRajini linqophe ukwakha abomasipaladi abatjhejako nabayelelako nabankuziphendulela. "Sizibophe ngesibopho sokuqinisekisa ukuthi abomasipaladi bayakwazi ukuphakelabu abantu amanzi, igezi, bakhe namaphaga, bafake namalerhe weentradeni, babuthe neenzibi, bavale nemigodigodi eseendleleni neentradeni, balungise nomraro eseze ukhole abantu wokuqinteliswa kweenzelwa kune nemiraro yokubhadelisa kwezenzelwa ngendlela efaneleko kwamakhaya ngamakhaya," uMengameli utjho akhumbuza abebasemhla-nganweni.

Uthe abomasipaladi kufuze bakhulume kuhle, bezwakale, bebayiphendule kuhle imiphakathi abayisebenzelako.

"Ukubuyela emirajini kutjho ukubuyekewza kwamahlelo wamethenda nokubuyekewza kweendlela ekulwiswa ngazo ubukhohlakali kiborhulumende beendawo zemakhaya."

UMengameli ukhanyise ukuthi abomasipaladi

IZENZELWA NGOKWEEMBALOBAKO

- **Ama-95%** – Lobu bungako bamakhaya abekathola umthamo wamanzi asisekelo ngomnyaka wee-2012. Lelinani-ke likhuphuke ukusukela ema-60% wangomnyaka we-1994.
- **Ama-86%**. Lobu bungako bamakhaya abekanegezi ngomnyaka wee-2014. Lelinani-ke likhuphuke ukusukela ema-50% wangomnyaka we-1994.
- **Ama-83%** – Lobu bungako bamakhaya abekathola imisebenzi yokuhlwengisa esisekelo ngomnyaka wee-2012 . Lelinani-ke likhuphuke ukusukela ema-50% ukusukela ngomnyaka we-1994.
- **Ama-72%** – Lobu bungako bamakhaya athuthelwa iinzibi. Lapha-ke kubebabu nobungcono ukusukela kumasi-paladi munye nje tere obekanamakhaya angaphezulu kwa-ma-90% anegezi.



ngo-2011. Lelinani-ke likhuphuke ukusukela eengidini ezisi-6.3 ngo-2001.

• **Ama-73%** – Linani labomasipaladi ebebanamakhaya angaphezulu kwama-90% anegezi. Lapha-ke kubebabu nobungcono ukusukela kumasi-paladi munye nje tere obekanamakhaya angaphezulu kwa-ma-90% anegezi.





Ezivela e-Union Buildings

Umlayezo obuya kuMengameli

Asibambaneni silwisané nokusahlelwa kwamaphandle

Zakhamuzi zeSewula Afrika, mhlaphanje sibone izenso ezi-thusako nezihlahlathisa um-zimba zenturhu eziqaliswe ebantwini abamaphandle eengcenyeni zaKwaZulu-Natala, esele zirhatjheke zafika neengcenyeni ze-Gauteng. Ize-hlakalo ezifana nalezi zenzenka e-Soweto ngoTjhirkwani.

Akunazinga lokukwata nokuhlanganelwa yihloko elingamuke-leka nje-ngonobangela wokusahlelwa kwamaphandle nokweba ipahla yabo.

Sikhaliema inturhu le ngobukhali obudephileko. Uku sahleloku kuphikisana nemigomo yokuziphatha ethotjhozelwa yiSewula Afrika, khulukhulu ukhloniphia amaphilo wabantu, amalungelo wobantu, isithunzi sabantu noBantu.

Iizwe lekhethu lilwisané nakho koke ukungabekezelelani okunjengokuni-nana ngokobutjhaba, ukusahlelwa kwamaphandle, ukuninwa kweenthanda-ni ezbilili banye nokuninana ngokobulili.

Sidlulisa ukutjhiriya kwethu emindenini yabo boke abahlongakeleko begodu si-fisele abalimeleko ukuphola kwamsi-naya.

Sibawa kwehliswe imimoya, kupheliwe inturhu begodu kube khona nokuzikhali-ma. Akukafaneli kuvunyelwe iinlelesi zibambe ithuba ngeenkinga zezakhamuzi ngokutjala ihangahlangano bezimotjhe esinakho.

IMIKHULUMISWANO

Nanyana ngiziphi iintjhijilo amaSewula Afrika anazo kufanele zirarululwe ngo-kuthula nangokubonisana.

Amapholisa ayalelwé bona asebenze imini nobusuku ngomnqopho wokuvike-la amaphandle nezakhamuzi bekabophe amasela nabaphehlí benturhu.

Sikhuthaza imiphakathi bona isize amapholisa ngokuwabikela ngezahlkalo ezenzeka e-Gauteng naKwaZulu-Natala kwenzelelwé bona abaphehlinturhu laba babotjhwe.

Sithokoza abarholi bezekolo, iinhlangano ezizijameleko abanikela ngesizo lobuntu kilabo ababaleke eendaweni zabo.

Nanyana sikukhalima ngamandla ukusahleloku, siyabona begodu sinezwelo ngezinye vezintezwa zizakhamuzi zeSewula Afrika ezhintekileko.

Sibuyeleta umkhumbulo wethu wokubana amaSewula Afrika akaninani ne-zinye iintjhhaba. Nagade kunjalo besingeze saba namaphandle amanengi ngendlela le ahlala hlangana nemiphakathi yethu elizweni mazombe, emadorbheni amakhulu namancani nezabelweni.

Kunemirao etjhejwako eveziweko

yezomnotho neyezelhalkuhle.

Iinghonghoyilwezi zifaka hlangana amaphandle anganavumo yokuhlala nge-lizweni lekhethu, ukukhula kwesibalo samavikili namkha amabubulo amancani athethwe maphandle nezwangobatjho yokobana amaphandle athuwelelisa ubulelesi.

Sifuna ukubuyelela ukuthi nanyana kunamaphandle akhe abotjhewa izenso zobulelesi, akusilo iqiniso ukuthi woke amaphandle ngelizweni ayathinteka ebulelesini.

Begodu lokho akutjho bona woke amaphandle angelizweni lekhethu angena ngokun-gasi semthethweni.

Inengi lawo lingene ngelizweni ngokomthe-thobegodu bayasiza ekuthuthukiseni ilizwe ngezomnotho nezehlakuhle. Inengi lawo li-letha amakghonofundwa atlhayelako asisiza ukuthuthukisa ilizwe begodu bamukelekileku ukuhlala ngelizweni lekhethu.

Abanye beza ngeSewula Afrika njengabaleki, babaleke izipi nerarano emazweni wekhabo, ngokufanako njengaloka kwe-nzeka kumaSewula Afrika amanengi asuka ngelizweneli ahlala kamanye amazwe we-narhakazi nangaphetjheya.

Saphathwa kuhle, ngesithunzi nehloniphobanakwethu nabodadwethu benarhakazi yoke. Angeze sayilibala ipatho ehle leyo nebumbano.

Isekelo lamazwe we-Afrika engeSewula webumbano elilwisané nebandlululo nele-Hlangano yoBunye be-Afrika laqakatheka khulu ekuphumeleleni kwethu ukufumana ikululeko nentando yenengi esiyithabelako namhlanjesi.

IIMBOPHO ZETHU

Urhulumende uzakuraga nokudlala indima yakhe nokuhlangabezana neembo-pho njengelunga leHlangano yoBunye be-Afrika neHla-ngano yeBumbano leenTjhaba.

Ababaleki nabafuna ukukhoselisa bazakusekelwa ngokukhambisana nemigomo yeentjhhaba neemvumelwano zeKomitjhini ePhezulu yeHlangano yeBu-mbanu leenTjhaba etjheja abaBaleki.

Sibawa abantu bekhetu basekele begodu bavikele ababaleki nabahoselisa.

Ngithumele aboNgqongqotjhe, weza-maPholisa, wezokuPhepha kweliZweloke, newezangeKhaya ukobana bayokubambisana noRhulumende wesiFunda saKwaZulu-Natala ngomnqopho wokuyokucima inturhu kulethwe ukuthula. Basebenze kuhle kodwana ubujamobu bufuna ipengu yasafuthi.

Ngiyalele isiQhema saboNgqongqotjhe sezoBulungiswa, ukuKhandelwa koboLe-lesi nokuQinisekisa ukuVikeleka bona bayo-kuqalana nomraro lo ngokuzeleko, bazakusi-zwa nguNgqongqotjhe wezokuThuthukiswa komPhakathi, wezeRhwebo nezamaBubulo newezokuThuthukiswa kwamaBubulo amaNcani.

Isiqhema sezokuphepha neminyango

yezomnotho besele ithomile ukutjhjana nendaba le ngemva kwesehlakalo se-Soweto ngoTjhirkwani.

IMIPHAKATHI

Ngibayalele bona basebenze msinyana begodu bakhulumisane nemiphakathi ethintekako, iinhlangano ezizijamele amaphandle, ama-bhizini, iinhlangano ezizijameleko nabo boke abadlalindima bona batjheje iinghonghoyilo eizeziweko kiwo womibili amahlangothi.

Umnqopho kukhandela izehlakalo ezinye ngokwenza ngcono itjhebiswano nokukhuthaza ukuphilisana ngokuthula hlangana nezakhamuzi nabankwethu nabodadwethu benarhakazi ye-Afrika namaphandle wan-gaphetjheya.

Sizokubawa netjhebiswano kumafisi wobuzenda bamazwe wangaphandle anzinze ngeSewula Afrika. UNgqongqotjhe wezangeKhaya uhangene neenHloko zaba-Zenda be-Afrika mhlaphanje.

UNgqongqotjhe womNyango wezeTjhebiswano nokuSebenzisana kweenTjhabetjhaba urage imikhulumiswano le neenHloko zaba-Zenda be-Afrika mhlana ali-17 kuSihlabantakan.

Sibawa amalunga wePalamende bona abambisane nathi emawadini wabo wemiphakathini, ngomnqopho wokwenza ngcono itjhebiswano nokuhlalisa ngokuthula hlangana nabantu behethu namaphandle.

Kuthethwe amagadango wokuqinisa ilawulo lokungena ngelizweni lekhethu.

Emkhakheni lo urhulumende uneragelo phambili ekuhlonyweni kwe-eJensi eLawula imiKhawulo ezakulawula imikhawulo kiwo woke amadoyelo nobungeno benarha.

Kukhutjhulwa ikghono lomNyango wezangeKhaya ngomnqopho wokuwusiza bona ukghone ukulawula iindaba zokun-ningena ngelizweni, khulukhulu emadoye-Iweni nebungenweni benarha.

IButholamajoni leSewula Afrika (i-SANDF) lizakuthumela amajoni ama-350 emNyanguweni wezangeKhaya bona ayokusebenza njengeemphathimandla zamavakatjho emikhawulweni.

Begodu i-SANDF ithumele iinkhulu zesi-joni emikhawulweni yeemfunda ezilikho-mba ngomnqopho wokukhandela ubule-lesi obe-nziwa emikhawulweni nokweqa umkhawulo ngendlela engasi semthethweni.

Zakhamuzi zeSewula Afrika, sinikhuthaza noke bona nehlise imiMoya benizikhali-me.

Sikhombela nalabo abasebenza ithintano nge-inthanethi, bona balise ukuthuwele-lisa inturhu ku-Facebook, Twitter nakeminye imikhakha yokuthintana komphakathi.

Sisoke sinomsebenzi wokwenza ngcono ubujamo bokuhlisana ngokuthula netjhebi-swano elihle ngelizweni.

Izakhamuzi zakamanye amzwe zisisiza ukukhuphula ubujamo obuhle begodu siyabamukela. Sifuna ukubona ukukhula kwee-

mbalo kezamavakatjho ngamazwe we-narhakazi nokwabelana ngamathuba amanengi wamabhizinisi njenge-ncencye yokuthuthukisa umnotho oziameleko enarhakazini.

SOKE SIMA-AFRICA

Ukugidingwa kweLanga le-Afrika ngoMrhayili kusinikela ithuba lokobana sizikhakhazise ngemvelaphi yethu sima-Afrika bekukhuthaza nobudlelwana obuhle hlangana nabomna-kwethu nabodadwethu abavela kezinye iinarha ezikile-narhakazi ye-Afrika.

Siyilinde ngabomvu imigdingo ye-Langa le-Afrika eemfundeni zoke mhlana ama-25 kuMrhayili.

Bakwethu, sikhombela ngokuzithoba bona woke umuntu ehlise umoya.

Uku sahlelwa kwamaphandle kuyakhalinywa ngelizweni.

Nagade silwela ikululeko safumana isizo elivelwa emazweni amanengi ahlukileko. Abantu bamazwe layo akhange basiqothe namkha basiphathe kumbi.

Samukele iinghonghoyilo zokobana amanye amaphandle akanazo iimvumo ezisemthethweni zokuba ngeSewula Afrika.

Ngokunjalo nezakhamuzi zethu ziyalila ngezenzo zobulelesi ezenziwa ngamanye amaphandle begodu babasola ngokubathathela amathuba wamabhizinisi newemisebenzi.

Urhulumende ulalele zoke iinghonghoyilwezi begodu uzazirarulula. Nokho sijamile kelithi akunanobangela owamukelekako bona kube nenturhu enje. Sizikhaliema khulu izenzwezi.

Njengorhulumende sitethethe amagadango afaneleko wokwenza ngcono ukuphepha nokufikelela kiyo yoke imikhawulo yelizwe lekhethu ngo-mnqopho wokuqinisekisa bona akunasakhamuzi sangaphandle esingena nge-lizweni lekhethu ngokungasi semthethweni. Sithumele iimphathimandla ze-SANDF emikhawulweni bona zi-yokusiza umNyango wezangeKhaya ekulungiseni umraro lo.

Asibambaneni ekusekeleni woke amaphandle akhahlunyeze yinturhu.

I-AFRICA ENGCONO

UmTlolo weKululeko uthi kuzakuba nokuthula netjhebiswano. Umsebenzethu kukhuphula ilifa lokuhlisana ngokuthula nokuragela phambili nalo.

Sibuyeleta ukuzibophelela kwethu ekwenzeni i-Afrika engcono nephasi elingcono.

Asibambaneni ekwenzeni ilizwe lekhethu libe ngelingcono kibo boke abahlala kilo.

STOP ATTACKS
Opening the doors of learning and culture from Cape to Cairo



ZEFUNDO

Sitjhugulula iQaleko leeNkolo zeSewula Afrika



Urhulumende wakha iinkolo la abafundi bangakhula khona ngefundu, nabotijhere bakhuthazeke ukufundisa. linkolwezi zizakulekelela ukukhuphula izinga lefundo, ngaleyindlela kwakheke ingomuso elingcono.

Amukelani Chauke

Pheze eminyakeni emithathu edlulileko urhulumende uthethe umnqopho oncamileko wokuqedza iinkolo ezakhiwe ngedaka abe abenze ngcono ubujamoabantwana beSewula Afrika abafundela ngaphasi kwabo.

Esikhathini esingaphasi kweminyaka emithathu ukusukela ngesikhatheso, umNyango wezeFundo eSisekelo, uvule iinkolo ezingaphezudlwana kwe-100 kilo loke ilizweli.

UNgqongqotjhe wezeFundosisekelo mhlapha nje usandukuvula ngobutjha isikolo esingesama-99 esagiriziwako sakhwa ngo-butjha e-Riverton, eTjingalanga Kapa.

Ukuvulwa ngobutjha nokubuyiselwa kwesiKolo samaBanga aPhasi i-Valhalla emphakathini wendawo azange kube sibekiso sendima ehle yetuthuko kwaphela, kodwana

sibe nanga yinto eqakatheke khulu njengoba sizokuvulela abafundi amathuba amahle wokufundela endaweni evumela ukufunda, sivulele nabotijhere amathuba amahle wokufundisela endaweni evumela ukufundisa kilesikolo.

"Esizakuletha kilomphakathi mthangalasekelo ovumela okunengi, kangangoba ba-ngasibenzisa ukuba yiholo yomphakathi, ngaleyindlela-ke cube nobudlelwana obuhle hlangana kwesikolo nomphakathi. Lokhu-ke kutjho ukuthi ngesikolwesi asikagcini ngokuletha isikolo nje kwaphela, kodwana silethe nelifa ngokwalo.

"Kithi lokhu esikulethele umphakathi kulilifa lomphakathi. Mthangalasekelo kanomphela lo, owakha ibhoduloko elihle lokusebenzela nokufundela abantwabetsu njengoba kunazo zoke iisetjenziswa ezifaneleko ezifuneka esikolweni nje," kutjho uNgqongqotjhe.

Ukuvulwa ngobutjha nokudluliselwa ezandleni zomphakathi kwesikolwesi cube yingcenyem yomZamosisungulo wokuRhabisa ukwEthulwa kwemiThalangasekelo yeenKolo (i-Asidi) elidle imali emabhiliyoni abu-R8,2. I-Asidi ilihlelo elikhulu elihlanganyelwe mbuso nekoroyangeqadi, elinqophe ukujamiselela iinkolo ezilinganiselwa ema-510 elizweni lokeli, ezingazange zakhiwa kuhle.

Isikolo samaBanga aPhasi i-Valhalla, esakhiwa ngo-1980, sagirizwa, sakhiwa ngobutjha ngemali eziiingidi ezima-R34.

Isikolo ebelsingene abafundi abama-600 kwaphela ngomnyaka wee-2006, namhlanje sifundisa abafundi abayi-1 047 ematlasini ama-32; ngaphezo kwalokho, namhlanje isikolwesi sesineBulungelo leeNcwadi kunye neLabhorathri yeSayensi.

Kuzokwakhwa ikundla yokudlalela ibholo erarhwako endaweni la kwakujame khona isikolo esidala. U-Andrew Lochner, ong-Hlokoku wesikolo, uthi isikolo esitjhesi sizolikhuphula izinga lokufunda.

"Sinikele ithembalokwakha ingomuso elingcono, begodu engithanda ukukutjho kukuthi, ukuthi sihlala lapha e-Elsies River akutjho ukuthi sanelisa zizirto ezingazisko. Kufuze sitjele abafundi, besibavezele nobufakazi bokuthi kuyafuneka ukuthi sikhuphule izinga lokufunda besakhe nengomuso elingcono," kutjho u-Lochner.

U-Lochner ungezelela ngokuthi isikolwesi siligugu lomphakathi wangekhabo, nje uthakase uhlekela phezulu nakezwa iindaba zokuthi isikolo sakhesi sikhethwe njengesizokuzuza ehlelweni le-Asidi.

"Sizabafundisa abafundi bethu, begodu sinethembalokuthi bazawuthokozela umakho wesikolo omutjha lo, ube uphakamise netji-

sakalo yabo yokufunda, njengoba babafundi nje. Akukafaneli bona balinde bekube nento eyenzekako. Kufuze bafike la bathi khona, 'Ngizakwenza ekufuze ngikwenze ukwenza ukuthi izinto zenzeke,' kuhlathulula u-Lochner.

Kusenjalo, ngenyanga kaSihlabantakanonyaka, umNyango wezeFundo eSisekelo udlulisele ezandleni zomphakathi isikolo se-100 e-Kroonstad eFreyistata, njengengcenye yehlelo le-Asidi.

Isikolwesi sithiyelele ngo-Dorrington Matsape, uyise likaDorh. Ivy Matsepe-Casaburri ongasekho emhlabeni owayneuNgqongqotjhe wezokuThintana.

Isikolwesi savulwa ngomnyaka we-1992 besathomka ukufundisa ngabafundi abama-500 nabotijhere abali-15 - namhlanjesi-ke isikolwesi sinabafundi abayi-1 100.

Ubumengi babafundi abafunda esikolwenesi baziintandani, kodwana nanyana baqalene nalobubudisi nje, iHlelo lokuHlolwa kweli-Zweloke komNyaka (i-ANA), litjengisa ukuthi sisebenza kuhle mbala isikolwesi. Nyakenye sathola unongorwana wethusi ngokuphumelela kwabafundi esifundweni seMethemethiksi (ngama-60% - 69%), sathi sinjalo nje saba ngesinye seenkolo ezima-50 ezibe phambili ngemiphumela esifundeni seFreyistata.

AMAPHUZU AQAKATHE-KILEKO ARHUNYEZIWEKO

Zili-106 iinkolo eseziqediwe ukwakhiwa bekube khathezi:

- Zima-84 ePumalanga Kapa;
 - Zili-11 eTjingalanga Kapa;
 - Zi-4 eMpumalanga;
 - Zi-4 eFreyistata;
 - Zi-2 e-Limpopo;
 - Si-1 eThagwini Kapa.
-
- Amanzi : iinkolo ezima-318 zifakelwe amanzi kokuthoma.
 - Ukuhlwengisa: Iinkolo ezima-351 zifakelwe amahlelo wokuhlwengisa kokuthoma.
 - Igezi: Iinkolo ezima-279 zifakelwe igezi kokuthoma.

iisetjenziswa nemithombo yamandla eenkolweni, ngokusebenzisana ne-NECT;

- kuveza umtlamo opheleleko wokuveza abotijhera, ukusetjenziswa nokuphakanyiswa kwamahlelo we-MST ngokusebenzisana ngokwabelana ne-TeachSA.
- kuthola iinkundla ezhlikuhakluleko zokusebenzisa ithekhnoloji yeLwazi-Thintano (i-ICT) ukuphamisa ukungena kwabafundi kileziimfundo kunye nokuphakamisa izinga lokuphumelela kweenkolo.

UKUSETJENZISWA KWE-ICT UKULELELA IINKOLO

Ithekhnoloji ye-ICT nayo ingenye yamakoro umNyango wezeFundo eosisekelo oyiqalelele khulu, khulu khulu eenkolweni zemakhaya, ezima-25% weenkolo zoke elizweni.

UmNyango wezeFundo eSisekelo usehlelwani lokuvala ezinye zeenkolo ezincani ezinganamandla wokubambelela, eziseendaweni zemakhaya; isekele lezo ezinamandla wokubambelela ibe ifakele ithekhnoloji ye-ICT kilezo la ukuhlu-kaniswa ngamagreyidi kungeze kwabalekelwa khona. "Kulihinga elimagatjagatja," kutjho uNgqongqotjhe u-Motshekga.

Isekela likaNgqongqotjhe u-Sury uthi umnyangwakhe usebenzisana neminyango yezefundoo eemfundeni zoke ukupinisekisa bona iyingi zefundo zitjhayelwa yidatha.

"Siyazi ukuthi umfundu ngamunye usebenza njani elwazini lokufunda nelokubala, begodu siyakwazi ukulinganisa izinga lokusebenza. Bangaphezulu kweengidi ezili-10,8 abafundi amagamabo aserherhwani lethu labafundi elikumthiningqondo; umnqopho walokhu-ke kukuthi kuthi nakuphela umnyaka ophezulo lo ukube sesineziko lebuthelelolwazi lomunye nomunye umfundu elizweni lokeli. Lokhu-ke

kuzakulekelela iiyingi ukuthatha iinqunto ezi-faneleko, ezizabe zisekelwe bufakazi."

Phambilini, ePumalanga Kapa bezingaphasi kwe-18% iinkolo ebezinhungelelwano le-ICT, begodu bezingakwazi ukusebenzisa iRherho eliLawula iinKolo zeSewula Afrika.

"Namhlanje, ezingaphezulu kwama-92% zaleziinkolo eziyesezinethungelelwano le-ICT, nje-ke nedatha seyitholakala lula," kutjho iSekela likaNgqongqotjhe u-Sury.

Bambadlwana naboSomkhandlu bezeFundo ebebakhona emHlanganweni we-The New Age Business Briefing. USomkhandlu wezeFundo e-Gauteng uPanya Lesifi ukhombele ababelethi ukuthi babe "ziinsika zeenkolo zethu, bebangene nemikhandlwini eLawula iinKolo."

"Kukuwe. Uyazikhethela. Ziveze ebantwini, utjho ukuthi ukhona," kutjho uSomkhandlu.

USomkhandlu wezeFundo eMpumalanga u-Reginald Mhaule ukhulume ngokuthi isifunda seMpumalanga sisebenzisana ngokulekelelana neeyingi ukupinisekisa ukuthi yifundo yezinga elihlelefundiswa khona esifundeni seMpumalanga.

"Siyazivala iinkolo zemaplasini, ezingakghoni ukuzijamela bezinjinze, kodwana hayi zoke, ngoba lokhu sihlelele ukukwenza sikuqedene geminyaka embadlwana. Sakhe iinKolo ezi-namaHostela wabafundi (ama-Boarding Schools) amahlani; mane wawo sebe avuliwe, kanti-ke iinkolo eseziqediwe siziville zingaphezulu kwama-20 bekube khathezi."

Nanyana uNgqongqotjhe u-Motshekga nabo-Somkhandlu bakhe bancame kangaka nje ukulenla libe ngcono izinga lokufunda eenkolweni zeSewula Afrika, kodwana bayavuma ukuthi ifundo yindaba iinkolo eseziqediwe siziville zingaphezulu kwama-20 bekube khathezi."

"Ababelethi banomsebenzi osibopho sokuseke-la ifundo, kobanyana kuzokusizakala boke abantwana belizwe lekhethweli."



UNgqongqotjhe u-Motshekga baneSekela lakhe u-Enver Sury bendlala ihlelo lomNyango wezeFundo eSisekelo lokwenza ifundo ibe ngcono eSewula Afrika, lokha basehlelwani lekuseni likaMabonisakude i-The New Age.

Iriga isuka ekhasini loku-1

yangeqadi namkha iinHlangano eziNgasebenzeli iNzuko (ama-NGO).

"Lokhu-ke kuvamise ukubangela ukuthi ama-NGO abhedlhe iinkolo, kodwana akwenzako kutilhoge ilungelelo.

Kanenginengi akhetha iinkolo ezingasebenzisana ngobuduze nomNyango wezeFundo eSisekelo, nezinganalwazi lomNyango wezeFundo eSisekelo, akhuluminisane bunqopho naboHlokoku beenkolo ezisakalako lapha," kutjho uNgqongqotjhe u-Motshekga.

"Kungakho-ke umKhandlu waboNgqongqotjhe bezeFundo wakhupha umlayo ngoRhoboyi wee-2014, ukuqinisekisa ukuthi ihlelo lokusebenzisana ngokubambisana lisebenza ngcono, kobanyana kuzokuba nomphumela ongcono khulu. I-National Education Collaboration Trust (i-NECT) izakwenza umsebenzi oqakathike khulu ekulungelelisani lamahlelo wokuse-

benzisana," kutjho u-Motshekga.

Inhlangano ezinjenge-TeachSA nazozizakwenza litho likhulu ekutlameni umtlamo wokuthola nokwaba abotijhera, nokusebenzisa zibe ziphakamise nalokho okufundwa bafundi, ukuhlanganyela nokuba nelitho ezilenzako kum-MST.

UmHlangano wokuBonisana we-MST unqophone nokwakha ikundla yokwabelana ngelwazi nokuqinisa ukusebenzisana nokusebenzisana ngokwabelana nama-NGO.

ImiKhulumiswano ye-MST yesithathu ivumelelene njo:

- kuqinisa ihlelo lamaQhinga we-MST elizweni loke;
- kwenza ubungcono bokuhlanganyela ku-MST kumye nezinga lokuphumelela kiyo i-MST;
- kwakha isijamiso sokusebenzisana ngokwabelana hlangana kwekoroyangeqadi nombuso kobanyana kuzokuthunyelwa



ZAMAPHILO

URhulumende uLwa nobuLwele besiFuba (i-TB)

Bathandwa Mbola

Urhulumende uvule ihlelo leminyaka emithathu lokuhlola ubuLwele besiFuba (i-TB) elizakusiza ukuphungula izehlakalo ezitja zokungenwa kwabantu yi-TB, lisize nokuphungula abantu ababula wa zizifo ezikhambisana nokuphathwa yi-TB.

Sekela likaMengameli u-Cyril Ramaphosa banoNgqongqotjhe wezamaPhilo uDorh. Aaron Motoaledi bavule ihlelo lokuhlolela i-TB leli esifundeni seThagwini Tjingalanga njengengencye yesikhumbuzo seLanga le-TB ephasini loke ebelmanhlanama-24 kuNtaka.

ISewula Afrika ililizwe lesithathu emazweni anabantu abanengi abane-TB ephasini zombelele. I-TB nanje solo ngiso esidlula zoke izifo ngokubulala abantu lapha eSewula Afrika, ngitjho nanyana siselapheka begodu sivikeleka nje.

I-TB ibulala abantu abali-120 000 qobe mynaka. Urhulumende uqothele ukuphungula lesisibalo sabantu siyokuba ngaphasi kwee-20 000 ngomnyaka.

Njengengencye yejimeli, urhulumende uzokubeka amehlwakhe khulu khulu ebantwini abasengozini khulu yokungenwa bulwelobu. Hlangana nalabobantu kubalwa iimbotjhwa emajele, iinsebenzi zemayini, abantu abakhe eendaweni ezizombeleze ii-mayini, abantwana, khulu khulu beminyaka yobudala engaphasi kemihlanu.

"UbuJamo bomtlhago wezomnotho kezehlalukhle obudlange emiphakathini, khulukhulu eendaweni abahlala, khulu khulu ukudinga izindlu eziphele tja, nendlala namkha itjhirho, emasimini anothe khulu wokufukamela kobulwele onjenge-TB; kilobubujamo obunjeke, abantwana ngibo abasengozini khulu khulu," kutjho iSekela likaMengameli u-Cyril Ramaphosa nabekusikinyiswa ijimeli. IHlelo lokuThuthukiswa kwabeNtwana kwebu-Ncanini (i-ECD), lingaba lisizo ekuphunguleni ukungenwa kwantwana yi-TB, kuvule namathuba angcono wokubona ubulwelobu

busathoma, kutjho iSekela likaMengameli.

URhulumende ubuye wakhomba neeyingi ezisithandathu ekuFuze zinikelwe iqalontanzi kilelijima lokuhlollela i-TB. Leziyingi-ke yi-Lejweleputswa eFreyista, ne-West Rand e-Gauteng, nakwa-Sikhukhune ne-Waterberg ezise-Limpopo, ne-Bojanala ne-Dr Kenneth Kaunda eThagwini Tjingalanga.

Ukwethulwa kwehlelo lokuhlollela i-TB kuza-kwenziwa ngeengaba.

Ngomnyaka wokuthoma walelijima leminyaka emithathu, iSekela lika-Mengameli u-Ramaphosa uthi urhulumende uzakuhlola iimbotjhwa eziyi-135 000 ubuncani bakhona emajele, ahole iinsebenzi zemayini ezingabe zifike esiquntwini sesigidi.

"Kileziyingi ezisithandathu, singophe ukuhlola amalunga womphakathi aziingidi ezihanu, nabantwana besikolo abasigidii-1,2, nemaZikweni wama-ECD kanye neenkulisa."


Urhulumende selahhole iimbotjhwa eziyi-59 000 bekube nje.

"Lesisibalo-ke sisiquantu sokuthathu kwaphele seimbotjhwa ezigwetjiweko nezisalindele ukugwetjwa. Ihlelweli liqale ukuthi nakufika uNtaka wee-2017, kube sekuhlolwe iimbotjhwa ezingaphezulu kwama-90%, kutjho iSekela likaMengameli u-Ramaphosa.

Ngaphasi kwehlelwei sekuhlolwe namalunga womphakathi ayi-140 000 eeningini ezsithandathwezi.

Kubekwe abahloli abalithoba abazakulelela umNyango wezamaPhilo ukukhambisa isizo lokwelatjhwa nokukhandelwa kwe-TB eemayini.

Ngomnyaka wesibili wejima lokuhlolweli, kuzakungezelwa ukuqaleelwa kwemikhndluyamadorobha amakhulu. Ngomnyaka wesithathu, urhulumende uzakungezelwa isifunda sePumalanga Kapa, nese-Gauteng, nesaKwaZulu-Natala kanye neseTjingalanga Kapa, eendaweni eziqothelwe ukusizwa ngejimeli.



iSekela likaMengameli u-Cyril Ramaphosa uhlola umtjhini wokuhlola i-TB. Zingaphezulu kwama-200 iinsebenzi zezamaphilo ezithwasiselwe ukusebenzia iinhlahla ze-TB ebhalela ukwelatjhwa.

Ukuqinisekisa ukuthi iingulani eziphehthwe yi-TB zisela iinhlahla ngendlela efaneleko beziyiqede njengoba kulayele iinsebenzi zezamaphilo, urhulumende uzokuvula ihlelo lokulandelela iingulani eziyahlekileko ekwelatjhelweni i-TB, alandelele neengulanii ezaziwako ukuthi zine-TB, athole namkha avuselele neendlela zokuthintana nazo.

Okhunye, bangaphezulu kwama-200 abahlengi abathwaselwe ukuthoma ukwelapha iingulani eziphehthwe yi-TB engalaphekiko eendaweni eziyahlekahlukeneko.

Njenganje iSewula Afrika ineendawo ezinje ezima-298.

iSekela likaMengameli lithi ukutjhida isizo eendaweni lapho abantu bahlala khona nakhokuzakuba yindaba equalwako nakuragwa iijimeli, ngoba phela lokho kwenza ubulula eengulanini, ngaleyindlela bekuveze nemiphumela engcono yokwelatjhwa.

Ngokuka-Ramaphosa umnqopho wejimeli, akusikho ukuhlollela i-TB nokuyelapha kwaphele. "Siqale nokwehlisa izinga nenani labantu abangenwa yi-TB. Woke amaSewula Afrika angathatha amagadango wokuphungula amathuba wokungenwa yi-TB," kutjho u-Ramaphosa, angezeleta ngokuthi ukuzijayeza izinto eziila eziyengokusitha umlomakho lokhuya nawukhohlelako kungenza umehluko omkhulu ngendlela erarako.

Umfutho oPhezulu weenGazi: Umbulalisidu

IsiKhwama sezokweLaphisa
iinSebenzi zemBusweni

Ubun engi b a b a n t u abaphethwe bulwele bomfutho ophezulu weengazi (i-hayi-hayi), kanengi abazi nokwazi ukuthi baphethwe ngilokhu kugula.

U bulwele bomfutho ophezulu weengazi, buphethe abantu abadlulako emutwini munye kesinye nesinye isiqhenyana sabantu abathathu abakhulu ephasini zombelele, buvamise ukubizwa ngokuthi yi-hayi-hayi ngelimi elijayelekileko, kanti-ke bubulala pheze ama-50% wabantu kilabo ababulawa bulwele bokufa ihangothi namkha ababulawa zifizo zehliyo, njengoba kusitjho iHlangano yezamaPhilo yePhasiloko (i-WHO).

"Ukuba nobulwele bomfutho ophezulu weengazi kulokhuya izinga leengazi emithanjenakho nalisolo liphakama. Yinto evamileko-ke le ... akusibantu abanestresi bodwana abaphatha ngilesisifo," kutjho uDorh. Stan Moloabi, IsiKhulu sezokuQalelelwakwezamaPhilo esiKhwaneni sezokweLaphisa iinSebenzi zemBusweni (i-GEMS).

Umuntu angaba nobulwele bomfutho ophezulu weengazi iminyaka eminengi ngaphandle kokuthi yena azi; ngikho khonokhe-ke okwenza ubulwelobu bube yingozi kangaka. IsiKhumbuzo seLanga lobuLwele bomFutho oPhezulu ween-

ezifana nobudisi bomzimbakho, iindlela ogoma ngazo, ukubhema, ukusela kanye nokuthi ulithela kangangani itswayi."

YAZI IINOMBORO ZAKHO

UDorh. Moloabi ukhuluma uyagandelela ngokuqakathika kokuzihlolisela isilinganiso somfutho ophezulu weengazi. "Kufuze uziyayeze ukunande uyokuhlolisa izinga lomfutho weengazi zakho kudorhoderakho qobe ngomnyaka namkha ngeminyaka emibili, kobanya uzokujinisekisa ukuthi isilinganiso somfutho weengazi zakho sisezingeni elifaneleko, esili-120 phezu kwama-80."

Kodwaa uDorh. Moloabi ulimukisa ngokuthi nakube unesifo setjhukela, isifo sehliziyo, ukugula kweziso, namkha nakube umfutho womtjhiso weengazi sikhe saba ngaphezulu kuka-120 phezu kwama-80, kuzakufuneka ukuthi unande uzihlolisela umtjhiso weengazi kanye ngomnyaka, ubuncani bakhona.

UWUVIKELA BEWUWELAPHA NJANI UMFUTHO OPHEZULU WEEGAZI

Nanyana zikhona nje iinhlahla zokulawula umfutho ophezulu weengazi, kodwana nokuphila ngemikhwa emihle kungakusiza ukuphakanye-lwa mtjhiso weengazi:

- Phungula itswayi olithela ekugomeni
- Zijayeye ukunande uthabulula umzimba
- Goma ukugoma okunezakhamzimba
- Hlala usesilinganisweni esifaneleko sobudisi bomzimbakho
- Ungaseli khulu utjwala
- Ungabhemni, kungakadluli ubuncani bakhona ama-30 wemizuzu uqede ukunikela ngeengazi
- Yehlisa izinto ezikubangela ukugandele-leka komkhumbulo (istresi).

lingazi Zakho Zingenza Umehluko

IHlangano eSebenza ngokuNikela ngeeNgazi yeSewula Afrika

U bunengi babantu abalimuki ukuthi ukunikela ngeengazi kungenza umehluko omkhulu kangangani epilweni yabanye abantu. Unikukela ngeengazi kuyinto eqakatheke nefuneka khulu engasindisa abantu ekufeni.

Ngokukela ngeengazi, onikelako usiza iHlangano eSebenza ngokuNikela ngeeNgazi yeSewula Afrika (i-SANBS) ukuthi ibe neengazi engasiza ngazo omunye namkha abanye nakufuze bafakelwe iingazi ngokurhabako. E Sewula Afrika keminye neminye imizwana ema-48 kunomuntu ofakelwa iingazi; ngomnyaka munye kufuneka amaphayinti weengazi azii-810 000 ukusiza abantu abatlhayela ngeengazi eSewula Afrika.

Ukfakelwa iingazi lihlelo elisetjenzisa bodorhodere ukujamiselela iingazi emuntwini olahlekelwe zingazi nakahlizwako namkha olimele kumbi. Kesinye isikhathi umuntu ufakelwa iingazi ngombana umzimbake ungaskhoni ukuzenzela kuhle zavo iingazi ngoba umuntu loyo agula.

Njenganje i-SANBS, eyihlangano engasebenzeli ukwenza inzuso eqale umsebenzi wokufakela iingazi eSewula Afrika, inabantu abazii-432 000 abanande banikela kiyo ngeengazi; lesibalo-ke sincani khulu, njengoba phela singaphasi kwphephense linye lenani lesitjhaba salapha eSewula Afrika siphelile soke. Lokhu-ke kutjho ukuthi basafuneka ngobunengi abanye abantu abazakunkela ngeengazi, khulu khulu njengombana i-SANBS ithembile ebantwini abanikela ngeengazi ngokuzithandela kwabo, kwaphela, ukuhlenga ipilo yabanye abantu.

NGUBANI ODINGE IINGAZI?

Ngamalanga kunabantu abadinge ukufakelwa iingazi, kanti ngokunjalo godu zinengi iingulani ekufuze zifakilewe iingazi iveke neveke ukuthi zizokusinda. Ingulani ezifuna ukufakelwa iingazi:

- Abantu abasikazi abalahlekelwa zingazi ngokungakhambi kuhle kwezinto nabasembe-lekweni
- Abantwana abathayelwelwa zingazi emzimbeni
- Abongazimbi beengozzi
- Lingulani ezihlizwako neengulanii ezinekankere.

AWUKAVUNYELWA UKUNIKA
NGEENGAZI NAKUBE:

- Unomfutho ophasi weengazi
- Unomfutho ophezulu weengazi
- Utlhayelwelwa liprothoyini lee gazi ekuthiwa yi-haemoglobin
- Usebantwini
- Usandukuhlinzwa

KUKHONA OKUNGABA YINGOZI?

Akunalitho elingaba yingozi nawunikela ngeengazi. Bathoma bakudosse ngenalidi amathosana weengazi emunweni bahlole ukuthi iingazi zakho zinephrotheyini i-haemoglobin eyaneleko na ukuthi unganikela ngeengazi.

Insetjenzisa ezisetjenzisa emuntwini onikela ngeengazi, iinalidi, imigodlana yeengazi, amatjhuhana weengazi kunte nenalidi odoswa ngayo iingazi, koke kutjha, akunamulwana namkha ingogwana, begozu zizintzo ezihlwako naziqeda ukusetjenzisa emuntwini ngamunye.

Zithi zingalahlelwaa ngentwini ekhethelikeko yokuhla, bese ziyabulawa.

Abantu abanemikhampo enobungozi epilweni, ngegalabo abanande baya emsemeni nabantu abangasibobo nangaphandle kokuzivikela, namadoda aya emsemeni namanye amadoda, nalabo abazijova ngemithi, bayeleliswa ukuthi banganikeli ngeengazi.

INYELELISO ZANGAPHAMBI KOKUNI-KELA NGEENGAZI:

- Goma ukugoma okupheleleko ngezakhamzimba kusasele ama-awa amane, ubuncani bakhona, ngaphamhi kobana uyokunkielka ngeengazi
- Hlola ntanzi ukuthi ukulungele na ukunikela ngeengazi

INYELELISO ZANGEMVA KOKUNI-KELA NGEENGAZI

- Goma kuhle, ugome ukugoma okuza-kwandisa okulitlezei emzimbenakho, isikhathi esima-awa amane ukuya ema-aweni asithandathu
- Ungabhemni, kungakadluli ubuncani bakhona ama-30 wemizuzu uqede ukunikela ngeengazi
- Ungagugi izinto ezibudisi ngomkhono ekudoswe kiwo iingazi onikele ngazo, bekuyokuphela amawa amabilo, ubuncani bakhona.